



GIUSEPPE CABIZZOSU

BIBLIOTECA

www.giuseppcabizzosu.it

Giovanni Bellisai

(Selargius 20/6/1947 -)

Poesie scelte in lingua sarda



GIUSEPPE CABIZZOSU
BIBLIOTECA
www.giuseppecabizzosu.it

Giovanni Bellisai

(Selargius 20/6/1947 –)

Poesie scelte
in lingua sarda



GIUSEPPE CABIZZOSU
BIBLIOTECA
www.giuseppcabizzosu.it

Giovanni Bellisai

(Selargius 20/6/1947 –)

Ex dipendente delle ferrovie dello stato, ora in pensione, Giovanni Bellisai è giunto alla poesia in limba abbastanza tardi ed ora, ritrovato il senso della sua sentita appartenenza culturale, si diletta in composizioni sia in sardo che in italiano partecipando a numerosi premi nei quali ha ottenuti buoni e lusinghieri risultati.

A s'annu benit sabudu una dì..

Prima classificata sezione verso sciolto Viniscola
2013

De sa spina depu fuiri
E finas de su bentu chi dda bolat,
Poita, issa, pungit, cravat
E fait mali..

A i bortas, pitica,
Intrat in su bestiri,
Donat fastidiu e no dd'agatas;
Pagu bortas ti dd'agatas, fini fini,
Intrada in coru, andendi cun su sanguni,
Fendi mali a totu tui.

Circu in logu 'e spina de no passai
O de passai allargu, tenendi contu
De sa ia chi pesat su bentu,
Po no regolli atera sufferenzia..

Ma hoi torrat a domu
Una spina manna,
Partia chene ferri, a bentu suu..

Torrat pagu tempus a cresura
Ma, puru chi abbruxat e fait mali,
Dda depu stringi forti fina a coru,
Faendi stiddiai sanguni a terra!

A s'annu benit sabudu una dì..

Est chi de su bentu calat
Filla mia, sa spina marigosa,
Bolàda appena a poziu in terra allena.

All'anno viene sabato solo un dì..

Prima classificata sezione verso sciolto Viniscola
2013

Devo fuggire dalla spina
e anche dal vento che la fa volare,
perché, la spina, punge, si conficca
e fa male.

Alle volte, piccola,
entra nelle vesti,
da fastidio e non la trovi;
poche volte la ritrovi fine fine
dentro il cuore, andando col sangue,
facendo male a tutto te stesso.

Cerco di non passare dove c'è spina
o di passare lontano, avendo conto
della via che solleva il vento,
per non raccogliere altra sofferenza.

Ma oggi torna a casa
una grande spina,
partita senza ferire col suo vento..

Torna per poco tempo alla sua siepe,
ma, anche se brucia e fa male,
devo stringerla forte sino al cuore,
facendo gocciolare sangue a terra!

All'anno viene sabato solo un dì..

E' che dal vento scende
mia figlia, amara spina
volata appena ha fatto in terra d'altri.

Bivu i di' mias

In su mentras chi fait su Paradisu,
Is animas funt steddus provvisorius,
Po custu s'allargat s'universu.
Funt de prus is animas bonas
De is malas chi si faint prangi.
E chi is animas fessint bideas
Chi bolendi si trebint a pari,
Ammesturendi e arruinindesi,
Chini dd'has strebidi, lompia s'ora,
Po ponni is bonas in su Paradisu
E i malas e dannadas in sa terra morta,
Prena de fogu e fumu velenosu?
Pustis essiri dormias de meda tempus
E chi in pruinis tenint su corpu, de i ddis
Bivias nudda prus regordant, is animas
Ingunis hant esssiri cuntentas
Chen'e perou sciri su poita..
Fazzu dimandas hoi chen'e risposta.
Allargu est sa boxi o respundit bascia
O dura in su tempus est s'origa mia,
E sa natura ingannat cun rumorius,
Castiat steddus e narat chi funt animas!
Bivu custas diis,
Comenti chi fessint a valori 'e oru.
Traballu a fainas chi speru abarrint in s'airi
Po origas chi tenint e pigant postu, a nos
Sacrificadas in su planeta terra moribundu.
O manu' scipias,
Chi cumandais de fai a chi' no scit,
Chi po interessu 'e bos
Bocceis fillus, allenus e de domu!,
Si coment'e bomba scoppiessit su mundu,
Spraxendi arrogus conca a s'infiniù,
Hiat a essiri morti po totu is steddus
E su creau a nou torra in su scuriu!
Deu chi seu biu, torru cun sa dimanda.
I diis de mei luxint prus de s'oru,
Ma scavu fossus po chini no est mortu,
Comenti a is aterus malus de su mundu.
Chen'e ddu sciri, de mei prangiu sa morti!

Priapu iscabiddadu

Che pibera no andas,
derettu che su ferru
ti 'ndi pesas,
chi ti scabiddas
no fai' piegias,
andas e torras
chen'e essi meri,
mi naras, po plaxeri,
chini ses?
Andas a conca sciolta
e no fueddas,
brintas e besis
e agatas sempiri abertu,
no 'nc'est un'orta
chi bussis o intris
a permissu. Nemus
ti certat, totus ti olint
e t'imprassant.
Atura attentu chi mi parit
una ratera i est comentu
chi giai ti bia
bessiu de domu
totu pendi pendi,
affriscillonau
de parri propriu mortu!
'Nddi seu prus che seguru,
hat essi prus bisura,
che morti vera,
ca chene bastoni
no arziat bandèra,
puru chi a bentu
est beni posta!
A bandèra a bentu
bella posta ananti
torru a pesai.
Puru scabiddau,
no fazzu piega
e, tostau che ferru,
brintu chene batti!
Sonant forti e una boxi
narat:" Priapu, e immoi chin'est!?"

Primu e... ultimu

Torrendi Dànti èst a fàì casìnu.
Lassat su Paradisu po sa tèrra,
Po benni de Sardigna in custa pèrra
A defesa de onèstu cerexìnu.

De cerexinu bèni precisàu,
Si chi de annus batàllat in política,
Po èssiri prìmu in sa stòria pìtica
De cani chi po nùdda hat zaulàu.

Su flori fràgada, ma cun su tèmpus
De moda bèssidi dògna profùmu,
Fina' dei ròsas chi scìdant i sènsus.

Accanta de sa ìa andada in fùmu
Lassasa sa figùra in i duus vèrsus
Po essi de Panìni scritta in prùmu.